



REPUBLIKA E SHQIPËRISË
KËSHILLI I MINISTRAVE

V E N D I M

Nr. 312, datë 11.5.2022

PËR

PËRCAKTIMIN E RREGULLAVE TË HOLLËSISHME
PËR PËRMBAJTJEN E REGJISTRIT TË STARTUP-EVE
DHE LEHTËSUESVE, MËNYRËN E FUNKSIONIMIT
DHE NDËRLIDHJEN E TIJ ME PORTALIN QEVERITAR
“E-ALBANIA”, SI DHE PËR DOKUMENTET ELEKTRONIKE -
PASAPORTA E STARTUP-EVE DHE PASAPORTA E LEHTËSUESVE

Në mbështetje të nenit 100 të Kushtetutës, të pikës 5, të nenit 11, të ligjit nr.25, datë 31.3.2022, “Për mbështetjen dhe zhvillimin e startup-eve”, dhe të nenit 4, të ligjit nr.10325, datë 23.9.2010, “Për bazat e të dhënave shtetërore”, me propozimin e ministrit të Shtetit për Mbrojtjen e Sipërmarrjes, Këshilli i Ministrave.

V E N D O S I:

I. DISPOZITA TË PËRGJITHSHME

1. Krijimin e regjistrit të *startup*-eve dhe lehtësuesve për mbajtjen e të dhënave të *startup*-eve dhe të lehtësuesve të vetëdeklaruar për kërkuesit dhe përfituesit e granteve e të masave mbështetëse nga ministri përgjegjës për sipërmarrjen.
2. Registri i *startup*-eve dhe lehtësuesve, si bazë të dhëna, funksionon, administrohet dhe ndërvepron me bazat e tjera të të dhënave, në përputhje me rregullat e legjislacionit në fuqi për bazat e të dhënave shtetërore.

II. PËRMBAJTJA E REGJISTRIT

1. Të dhënat, që përmban regjistri i *startup*-eve, ndahen në të dhëna parësore dhe dytësore, si më poshtë vijon:
 - a) Të dhëna parësore për *startup*-et do të konsiderohen:
 - i. Numri unik i identifikimit;
 - ii. Emri i *startup*-it;
 - iii. Emri dhe mbiemri i sipërmarrësit;
 - iv. Numri i pjesëtarëve të *startup*-it;
 - v. Fusha ku operon;
 - vi. Faza në të cilën ndodhet *startup*-i;
 - vii. Përshkrimi i *startup*-it.
 - b) Të dhëna dytësore për *startup*-et konsiderohen këto të dhëna:
 - i. Gjenealitetet e individit (për *startup*-et nisura nga individë);
 - ii. Të dhënat e regjistrat tregtar për datën e regjistrimit të subjektit, emrin e subjektit/shoqërisë tregtare, numrin unik të identifikimit të subjektit, llojin e shoqërisë tregtare (formën e organizimit të saj), fushën e veprimtarisë dhe misionin e tij/saj, statusin e tij për *startup*-et e nisura nga shoqëri tregtare apo persona fizikë tregtarë;
 - iii. Kontakte.
2. Të dhënat, që përmban regjistri i lehtësuesve të *startup*-eve, ndahen në të dhëna parësore dhe dytësore, si më poshtë vijon:
 - a) Të dhënat parësore per ientesuesit konsiderohen:
 - i. Numri unik i identifikimit;
 - ii. Emri i lehtësuesit;
 - iii. Të dhënat e përfaqësuesit ligjor;
 - iv. Data e themelimit;
 - v. Fusha e veprimtarisë;
 - vi. Kontakte.
 - b) Të dhëna dytësore për lehtësuesit konsiderohen, si më poshtë vijon:
 - i. Gjenealitetet e përfaqësuesit ligjor;
 - ii. Të dhënat e regjistrat të organizatave jo fitimprurëse/subjektit tregtar/lehtësuesve, data e regjistrimit të organizatës/subjektit,

- emri i organizatës/subjektit, forma e organizimit të saj/tij, fusha e veprimtarisë dhe misioni i saj/tij, statusi i saj/tij;
- iii. Selia/vendndodhja;
 - iv. Të dhënrat e identifikimit të themeluesve;
 - v. Përshkrimi i shërbimeve që ofron.

III. NDËRLIDHJA ME BAZËN E TË DHËNAVE

1. Mbrojtja dhe përpunimi i të dhënavëve të grumbulluara bazohet në:
 - a) parimin e ndershmërisë, të drejtësisë dhe të ligjshmërisë;
 - b) grumbullimin për qëllime specifike, të përcaktuara qartë dhe në përputhje me këto qëllime;
 - c) saktësinë nga ana faktike dhe, kur është e nevojshme, përditësimin e kryerjen e çdo veprimi për të siguruar që të dhënrat e pasakta të ndryshohen ose të rregullohen;
 - ç) garantimin e masave teknike dhe organizative të përshtatshme për të mbrojtur të dhënrat personale nga shkatërrime të paligjshme, humbje aksidentale, për të mbrojtur aksesin ose përhapjen nga persona të paautorizuar, veçanërisht kur përpunimi i të dhënavëve bëhet në rrjet, si dhe nga çdo formë tjetër e paligjshme përpunimi;
 - d) kryerjen e çdo veprimi në sistem lidhur me aksesin, ndryshimin, korrigjimin, përhapjen e të dhënavëve etj., duke lënë gjurmë me qëllim garantimin e sigurisë dhe konfidencialitetin e të dhënavëve.
2. Të dhënrat e mbledhura nga regjistri mund të përdoren për kërkime shkencore e statistikore, analiza, vlerësime apo projekte të ndryshme, sipas legjislacionit në fuqi për mbrojtjen e të dhënavëve personale.
3. Të dhënrat e regjistrat përditësohen periodikisht nga struktura përgjegjëse, sa herë është e nevojshme, apo ka ndryshime të këtyre të dhënavëve.
4. Përdoruesit e bazës së të dhënavëve janë të përcaktuar në 4 nivele:
 - a) Lexues;
 - b) Redaktues;
 - c) Administrator;
 - ç) Auditues.
5. Subjektet e interesuara për bazën e të dhënavëve do t'i nënshtrohen nivelit të aksesimit si lexues, sipas ndarjes në shkronjën “a”, të pikës 4, të këtij kreu. Rolet e “redaktuesit”, “administratorit” dhe “audituesit”, ushtrohen

nga struktura përgjegjëse pranë ministrit përgjegjës për sipërmarrjen, në përputhje me manualin e përdorimit të regjistrat që miratohet, sipas pikës 1, të kreut V, të këtij vendimi.

6. Struktura përgjegjëse pranë ministrit përgjegjës për sipërmarrjen do të jetë dhënësi i informacionit për subjektet e interesuara, në pikën 5, të këtij kreu.
7. Baza e të dhënave të regjistrat të *startup*-eve dhe lehtësuesve ndërvepron nëpërmjet shkëmbimit elektronik të të dhënave me:
 - a) bazën e të dhënave shtetërore të regjistrat tregtar;
 - b) bazën e të dhënave të regjistrat elektronik të organizatave jofitimprurëse/lehtësuesve;
 - c) bazën e të dhënave të Regjistrat Kombëtar të Gjendjes Civile.

IV. DOKUMENTET ELEKTRONIKE

1. Dokumenti elektronik i pasaportës së *startup*-it gjenerohet nga portalii qeveritar “*e-Albania*”, pas plotësimit të formularit të vetëdeklarimit dhe përmban të dhënat, si më poshtë vijon:
 - a) Numrin unik të identifikimit të *startup*-it;
 - b) Emrin e *startup*-it;
 - c) Numrin personal të *startup*-it, gjeneruar nga plotësimi i formularit të vetëdeklarimit në regjistrin e *startup*-eve;
 - ç) Vlefshmërinë.
2. Dokumenti elektronik i nasanortës së lehtësuesit gjenerohet nga portalii qeveritar “*e-Albania*”, pas plotësimit të formularit të vetëdeklarimit dhe përmban të dhënat, si më poshtë vijon:
 - a) Numrin unik të identifikimit të lehtësuesit;
 - b) Emrin e lehtësuesit;
 - c) Numrin personal të lehtësuesit, gjeneruar nga plotësimi i formularit të vetëdeklarimit ne regjistrin e lehtësuesve;
 - ç) Vitin e krijimit.

V. DISPOZITA TË FUNDIT

1. Ministri përgjegjës për sipërmarrjen është përgjegjës për menaxhimin e regjistrat dhe krijimin e manualit të përdorimit të regjistrat.

2. Ngarkohen ministri përgjegjës për sipërmarrjen dhe Agjencia Kombëtare e Shoqërisë së Informacionit për zbatimin e këtij vendimi.

Ky vendim hyn në fuqi pas botimit në "Fletoren zyrtare".

K R Y E M I N I S T R I

EDI RAMA

MINISTRI I SHTETIT PËR
MBROJTJEN E SIPËRMARRJES

EDONA BILALI



NR.PROT. 2324/1
DATË 12.5.2022

MINISTRIT TË SHTETIT PËR MBROJTJEN E
SIPËRMARRJES
AGJENCISË KOMBËTARE TË SHOQËRISË SË
INFORMACIONIT
QENDRËS SË BOTIMEVE ZYRTARE

Sekretari i Përgjithshëm

Engjëll AGACI

